



00873

文貞公集卷七

京口張玉書素存著

紀

侍直恭紀

國朝
籍隸

不諱
書翰

上謂大學士等曰性理大全所言三分益一徑一圍三之法爾等以爲可行否明時人有論樂律之書前令熊賜履看閱昨賜履閱畢進呈其意仍以蔡元定之說爲主朕問蔡元定之說果脗合乎賜履曰似亦相近以朕觀之徑一圍三之法推算必不能相符若用之治歷必多違舛今試以此法算日月交食其錯繆可立見矣又有爲密率乘除之說者徑一則圍三有奇徑七則圍當二十有二遞推之皆用此法然止可算少不可算多少則所差微渺積至於多而所差或什伯或千萬矣卽九方分之說其法似乎少密然亦未能悉合明末有鄭世子載堉辨論樂律極言三分損益隔八相生之非但其說亦不能無弊總之算法明顯易見不容毫釐有差試之於事皆可立驗雖不諳文義之人亦能辨其是非欲以空言取勝不可得也王熙張玉書奏曰凡事必求實驗况算法爭在銖黍膠執成說空言支飾何補於用歷代論歲差所重亦只在算法

文貞公集

卷七

一

松蔭堂

上又諭曰近日有江南人梅姓者聞其通算學會遣人試之所言測景全然未合從來測景之法某日某時太

陽到某度其辨甚微此人立表至短會不踰寸一寸中
差一杪至尺則差一分至丈卽差一寸彼因算法不密
故測景用短表以欺人不見耳今人所講算法其始亦
各有原本止因不能窮究故一切疎漏如熊賜履言算
法皆踵襲宋人舊說不自知其非是且人縱知徑一圍
三之誤若以此語人必羣起而非之以爲宋人旣主此
論不可不從究竟試諸實用一無所驗爾等第依其法
試之當自了然也熙等奏曰前人所言豈能盡當徑一
圍三之法推算不符雖蔡元定之言何可從也

皇上洞悉律數究極精微真足超越千古臣等踈陋得
聞所未聞不勝欣幸

文貞公集

卷七

二

松蔭堂

紀平定江南事

順治元年五月既定燕京七月招撫山東河南侍郎王
鰲永密奏江南情形言南中擁立福王改元宏光史可
法爲閣部劉澤清東平侯劉良佐廣昌伯黃得功靖國
公高傑興平伯分踞四鎮攝政王多爾袞遺書可法諭
之降可法旋報書語多不屈十月丁卯

上御皇極門晉多羅豫郡王多鐸爲和碩豫親王旋拜
定國大將軍偕多羅承澤郡王碩塞及恭順王孔有德
懷順王耿仲明智順王尙可喜續順公沈志祥等將師
下江南中道聞流寇西遁師自孟津濟河趨潼關二年
正月西安下二月提戈南伐收降所過州縣投誠總兵

文貞公集

卷七

三

松蔭堂

許定國以計誘殺高傑四月克揚州可法死于軍五月
師抵南京明福王朱由松率其奸相馬士英及諸太監
聞風潛遁官吏軍民開門降時在城者公則魏國保國
侯則隆平臨淮懷寧靈璧安遠永康定遠伯則忻城太
興寧晉南和東寧安城洛平成安駙馬則齊贊元內閣
大學士則王鐸翰林則程正揆張居六卿則錢謙益朱
之臣梁雲構李綽給事中則林有本陸朗王之晉徐方
來莊則敬等其劉良佐及高傑子元炤并提督總兵官
先後來歸者凡二十三員馬步兵合計二十三萬八千
三百有奇越十日六月己未提音至京師

上御殿受朝賀是日祭告天地宗廟社稷福王走蕪湖

大師追及之逆戰大敗黃得功中流矢死餘衆奔潰總兵田雄馬得功乃以計繫福王及其妃來獻於軍於是江南北郡縣相繼歸附文武將吏先後悉繆符印豫親王各給劄令仍領舊職惟六部衙門停給禁宏光錢開鼓鑄設鹽運司于揚州裁各衛所官仍留衛兵裁南京鳳泗各陵衛兵留守陵太監用軍中戶部司印遣官督諸路稅課逃官員缺俱就軍前委補滁和間有杜陽王者梗命移師擊之旋就擒事聞頒

詔蠲赦閏六月

命大學士洪承疇以原銜總督軍務招撫江南各省地方九卿科道集議南中設官事宜人持一牘不啻聚訟

文貞公集

卷七

四

松蔭堂

有議部院科道全設如行在例者有議六部各留侍郎一員量裁司官者有議設都督府以親王領之歲一更代者更有云我朝定鼎北京當以南京爲陪京者陪京之名於義無當而一時建論張官置吏悉同輦轂必欲踵襲留都故事戾謬滋甚吏部侍郎陳名夏謂國家建鼎神京居北制南必不當如前并稱都會宜去京之名存設官之實議自北差戶兵工侍郎及各司官如餉司分司例操江及江防巡城巡江巡倉俱并都察院作大差國子監官六自北差餘悉應裁疏入

詔改南京爲江南省設官事宜應如各省例行其諸司職掌俟總督大學士到日酌妥具聞嗣洪承疇覆奏一

如各省例惟戶兵工三部料理兵馬錢糧船隻從北京差滿漢侍郎各一員戶部司官六員兵工各四員皆隸銜北部畧與名夏議同七月

命貝勒勒克德渾爲平南大將軍與承疇等同駐防江南代豫親王多鐸實授豫親王委署官三百七十三員是月劉澤清同石城島總兵馬登洪降十月舉江南鄉試豫親王旣定江南旋下兩浙故明潞王據杭州開門降惠王自紹興降師還

上親迓之越日晉封和碩德豫親王隨征諸王分資金銀鞍馬是月平南大將軍遣師擊前明魯藩兵時魯藩稱號浙東馬士英等引兵渡錢塘去前明翰林金聲以

文貞公集

卷七

五

松蔭堂

兵攻徽州洪承疇擒斬之三年正月前明唐藩兵復攻徽州敗之擒其閣部黃道周旋殺之時唐藩自立于福建閣部則道周及李永茂總督則何騰蛟庶官則楊廷麟劉同升萬元吉揭重熙等瑞昌王潞安王率兵三萬攻江寧復大敗之四月平南大將軍班師師下湖廣進尋陵口僞侯三十餘員及李孜等降獻受命于天旣壽永昌玉璽孜自成弟尋誅前明廢藩宗姓獻地投誠者免罪入京師六月馬士英就擒于太湖伏誅

紀滅闖獻二賊事

順治元年四月和碩睿親王多爾袞奉

命將師抵山海關與流賊軍遇一戰敗賊軍二十餘萬賊狼狽却走比師抵燕京賊首李自成倉皇不知所出盡焚前明宮闕載輜重而西官兵追擊於真定之慶都復兩敗之賊棄輜重竄入秦九月悉滅賊

車駕至京師十月朔卽位頒

詔中外加封諸王越日命和碩英親王阿濟格爲定遠大將軍征流寇英親王紆道邊外從土默特鄂爾多斯部取駝馬復轉入邊二年二月抵西安時和碩豫親王多鐸已移南征之師以

文貞公集

卷七

六

松蔭堂

正月二日克自成兵于潼關矣英親王師旣至豫親王轉旂南下英親王乃建大將軍旗鼓躡賊後追之時賊自西安收敗卒出藍田分道鼠竄繇西而南豫楚之間所至皆賊而獨不得自成所在會諜者言河南鄧州賊兵甚衆噶布什賢噶喇額真席忒庫率兵薄其城城潰乃賊餘黨也斬抗敵者數十人餘悉就撫時聞自成養子蔣鼐者擁兵五千衛賊家口據湖廣承天府于是大將軍令固山額真譚泰爲帥同貝子滿達海薄何託吞齊哈暨諸將急擊之席忒庫仍爲前鋒比師至鼐業分賊兵水陸兩道遁去我兵亦兩道躡擊譚泰等以水路進滿達海等以陸路進而自成復從間道潛走荊州大

師疾趨荆自成又遁去大師由荊州循江而東乏舟不得濟至湖口獲賊艦二百餘濟江自承天至荆兩道擒斬賊衆及陣獲駝馬輜重約以數千計而興國州黃州德安皆有偏師往所獲稱是自成走武昌轟章京哈寧噶將兵圍武昌城數匝賊將僞劉侯田侯引兵五千人出城迎敵大敗之自成復遁去哈寧噶乘勝躡擊至富池口偵知賊營旋簡精銳直逼自成廬帳自成勢感投其妾三人于江潛越富池口而遁是日生擒賊總兵知府推官各一人知縣四人守備千把總五人獲馬匹船艦無算自成走九江大將軍令譚泰率大師乘舟追之距九江四十里許遇賊軍陣斬賊將四十餘人截獲賊

文貞公集

卷七

七

松蔭堂

艦三百有奇賊復自焚其艦二百餘遁去自是賊無戰艦矣譚泰乃令諸將分道偵賊時賊勢大潰我兵無不以一當百峽內巴圖魯諾一坤將親丁十餘人敗賊後隊約數百人塔思虎力充固巴圖魯將騎兵百餘人遮擊賊軍約三千人賊軍師宋獻策亦以是日就擒固山額真覺羅巴哈納等追及谷口會賊方環山而陣旋以精騎突入疾趨賊寢自成擁殘卒踉蹌登山我兵亦躡之而登賊各鳥獸駭散自成復遁去翌日巴哈納將左翼鰲拜巴圖魯將右翼甲喇章京顧祿將中路分道合擊之賊潰奔九公山大師薄山下直摧中堅入賊壘賊兵俛首就殲生擒自成妻妾及賊侯某獨索自成不得

有降卒言自成敗走時領步兵獲二十人路爲鄉民所困自縊而死遣人往視其屍朽不可辨自成生死終未有實據云

後傳聞自成遁走江西有諭讓英親王

是役也大小戰凡十餘

合所過下河南湖廣江南京西六十三城收降賊衆二十餘萬獲橐駝百隻馬羸六千四百匹有奇船三千一百餘艘黃金一萬四千五百餘兩白金五萬九千七百餘兩東珠二百七十餘顆珍珠一百八十餘觔金玉器飾皮幣衣服無算方大師之過德安也會固山額真祖澤潤輓紅衣袍至聞南中總兵毛某持檄至楚招撫流寇隨移師擊之生擒毛總兵及副叅將敗其兵四千人獲馬千匹師次九江明總督袁繼咸御史黃澍司道李

文貞公集

卷七

八

松蔭堂

猶龍寧南侯左良玉子夢庚總兵十二員馬步兵十萬人俱艤舟江中悉招降之獲其船四萬餘艘閏六月壬午英親王阿濟格馳勦寇捷音至並奏以聞辛卯告祭郊廟社稷

上御殿受朝賀八月師還行間功多者貝子則滿達海博和託吞齊喀固山額真則譚泰杜雷吳賚巴忒馬覺羅巴哈納轟章京則鰲拜巴圖魯魯哈寧噶蘇拜希爾根查塔噶達渾阿喇哈德爾得黑薩克把圖魯巽內巴圖魯梅勒章京則譚拜阿喇善索爾果性彝西特庫希佛宗室吳達海噶布什賢噶喇額真則席忒庫俱先後論功封賞英親王坐枉道緩師并有他罪降爵爲郡王譚

奉鰲拜牽連得罪解譚秦固山額眞任降爲昂邦章京
鰲拜罰銀俱削軍功不錄

順治二年冬賊張獻忠據四川未下

朝命西安駐防內大臣何洛會爲定西大將軍會剿四
川而遣固山額眞巴顏等鎮西安何洛會未及入蜀而
逆寇孫守法趙榮貴賀珍等勾結賊兵數千人犯西安
圍其城時駐防兵單不能支勢甚危急會巴顏等率禁
旅至內外互擊圍始解守法等俱遁去明年春正月復
命和碩肅親王豪格爲靖遠大將軍偕多羅衍禧郡王
羅洛宏多羅貝勒尼堪貝子滿達海暨諸將征四川兼
勦西安一路賊孽召何洛會還三月守法伏誅十一月
文貞公集

卷七

九

松蔭堂

復興安州大敗珍衆秦省底定方是時

王師在秦日久絕口不言下四川事獻忠亦不虞

王師之卽西也志素驕百里外皆不設備大將軍密與
諸將計宜乘其懈擊之遂以是月統大師由漢中府急
趨蜀比抵南部縣境有前鋒擒賊生口至具言獻忠方
列營順慶之西充縣急擊之可就擒于是令昂邦章京
鰲拜巴圖魯固山額眞準塔巴圖魯同噶布什賢及八
旗擺牙喇爲前茅每牛彘各簡精銳一人爲後勁大將
軍親將滿洲蒙古阿禮哈兵居中馭之銜枚疾驅一晝
夜行三百里黎明抵西克之鳳凰觀會大霧晝晦勒軍

登山賊謀者知之馳白獻忠曰

王師至矣獻忠堅卧不爲動曰豈真從天而降耶或秦督孟喬芳兵至耳一戰當立敗矣頃之

王師逼賊營獻忠方在廐閱馬聞急大驚倉皇塵所部馬步兵迎敵自乘所愛馬馳走不及擐甲有裨將某馳射之貫其胸獻忠負創還營鰲拜準塔等鼓勇力擊大破賊衆遂擒獻忠斬于軍前士民飲恨獻忠者爭往斫其尸于軍門外不移時骨肉俱盡大將軍分遣諸將四出搜勦凡破賊一百三十餘寨斬首數萬級收獲馬贏一萬一千二百四頭有奇金珠皮幣等物無算十二月捷聞四年春告祭郊廟社稷免朝五年正月師還二月上御太和殿宴勞之在事有功將士下所司敘賚鰲拜

文貞公集

卷七

十

松蔭堂

巴圖魯固山額真覺羅巴哈納燾章京車爾布學士蘇納海等皆坐燾章京希爾根軍中爭功失察停賞肅親

王亦坐他罪不錄功

順治十三年九月固山額真朱馬喇請追敘肅親王平蜀功詔逆

封爲武肅親王建碑致祭

衍禧郡王羅洛宏先以病卒于軍嗚呼以

流寇逆焰之張也至于篡竊神器傾覆明祚而

王師旣下則百萬巨寇曾不足以當一旅豈非天哉初羣寇蜂起張獻忠實稱渠帥李自成方依闔王高氏與諸闖將伍未爲劇寇也及獻賊據房竹山中自成往依焉獻賊謀殺之自成遁入蜀歲己卯自蜀潛入豫破洛陽始稱闖王辛巳朱仙鎮明兵失利而後闖勢益熾壬午遂決河灌汴自是蕞黃諸寇皆爭附闖而楚省諸郡

以次告陷矣甲申之變距其稱闖王甫六年而明之亡也忽焉自古盜賊之禍人國未有若斯之酷者也睿親王提師入關一戰而破賊衆二十餘萬賊膽落不能復支倉皇西遁復爲豫親王所敗嗣後計無所出展轉于秦楚豫章之間而英親王又率兵躡其後轉戰襲擊凡六閱月而賊衆盡殲嗚呼非

天威何以及此獻賊之滅後自成一論者謂生民多難致使逋誅遺寇復逞其毀肢折骸之慘而肅親王指戈壓境賊旋授首視自成之滅爲倍易今諸親藩建旄之烈行間將士戮力之勲具在國史回視前明君臣以全盛中原早夜圖賊而卒無救于覆亡之禍國運去而人事之顛倒隨之可爲三嘆語云天之所滅不戰而自屈諸臣應景運而興驅除逆天之寇雖智勇過人亦憑藉朝廷威力者厚歟

紀三路進師下雲南事

世祖章皇帝既定天下十有五年山陬海澨悉隸土版
獨僞晉王李定國擁明承明王踞雲南久未皈命是年
秋朝命多羅信郡王多尼爲安遠大將軍平西王吳三
桂爲征西大將軍固山額真趙布太爲征南將軍協師
往征之王等抵貴州平越府議黔蜀皆入滇之路而黔
之貴陽都勻蜀之遵義皆敵門戶非分兵三路擊之不
可於是定議信郡王自貴陽入吳三桂自遵義入趙布
太自都勻入期以十二月會師雲南省城信郡王師至
安莊衛僞將劉某率兵逆戰一戰斬其將餘衆奔潰追
擊至盤江敵從鐵索橋渡江遁去旣渡卽縱火焚其橋

文貞公集

卷七

十一

松蔭堂

我師不能濟先鋒白爾克圖及提督總兵張勇作浮橋
濟師至七星關僞鞏昌王白文選擁兵二萬餘扼險抗
拒信郡王命諸將士分數道夾擊大敗之斬關而入遂
趨滇吳三桂師抵七星關知文選拒守不能卽下議出
奇兵攻敵不備於是由水西間道渡關襲擊其後文選
方與信郡王軍相持聞平西軍忽襲其後大駭擁衆却
步師入烏撒所過土司俱就撫固山額真趙布太師次
羅顏渡敵兵方據羅顏盡沉渡口船以阻我師會思誠
土司知府岑繼祿爲鄉道乘夜取所沉船於下流十里
外濟師旣明敵乃知我師得渡一軍驚潰抵雙河口僞

晉王李定國據山而陣全師皆在焉趙布太督諸將登

山拔其營山勢峻險爲敵要害地旣爲我軍所奪進退無倚定國親率敵衆環列象陣四面仰攻我師合力擊之敵不能登盡獲其象敵退軍陸格樹柵以守凡三十餘營趙布太部署諸將令分三隊夾擊之敵三戰三敗力不能支拔營而走我軍躡其後追北四十餘里斬獲無算定國遁去陸格之戰纛章京石漢巴圖魯梅勒章京多婆羅功居多時聞敵兵方據鐵鎖橋趙布太乃率大師取道普安州入滇十二月二十七日三路師俱集雲南省城外板橋十六年正月三日同入雲南府定國文選與永明王俱奔永昌三路師克永昌復奔滕越師渡瀘江大敗之遂克滕越追過南甸至孟村永明王等

文貞公集

卷七

三

松蔭堂

從三宣六慰路遁去捷聞以地方需人

詔今年秋再行會試三月

命吳三桂移駐雲南六月頒賜三路大兵八月丁卯以滇黔底定祭告天地太廟社稷十七年五月

命以前明沐國公莊田分給平藩下壯丁人口七月復頒衣服鞍馬賜諸將士八月

命內大臣公愛星阿爲定西將軍征李定國十月調馬寧沈應時王輔臣楊武張國柱閻鎮張勇王永祚狄三品陳德爲雲南各鎮總兵十二月增設平藩下副都統六員十八年正月信郡王多尼薨行間貝勒尙善鎮國公巴漢俱獲罪降爵有差趙布太功爲諸將冠以誣坐

鳴喇昂邦等敗北罪削職爲民

文貞公集

卷七

十四

松蔭堂

紀平水西事

水西古羅甸鬼國在殷高宗時爲鬼方地傳襲歲久至漢寢大歷唐宋元明日益以蕃遂雄長諸蠻奄有數千里之土其地與滇黔蜀三省接壤其物產寶玉金貝其人皆猥蠻强悍善鬪歷代叛服無常前明天啟間蠻長安邦彥狡焉構禍困黔一載至黔人相殺爲食入滇道阻滇人不得已請問道于西粵用兵凡二十年卒未能克順治十五年

王師旣下貴州水西宣慰使安坤誓服

天威俛首輸貢初實無叛志有大定總兵劉之福者誅求未遂心銜之會其國有喪其國俗皆披甲之福遣人

文貞公集

卷七

五

松蔭堂

責問水西大忿遂殺來使之福因白平西王吳三桂言猥裸有反狀三桂具疏請征以康熙元年秋進兵會貴州十二寨苗彝反圍普安州之安籠守禦所於是我師先抵安籠冬月安籠平二年春入水西安坤年少國公車噶喇專政坤欲引罪出降車噶喇不聽遂偕坤走宜那噶我師深入叢林深箐綿亘數百里仰不見日所賫僅一月糧軍士食且盡三桂大悔然勢不能復出乃令士卒分道擒生猥裸不畏刀踞用炮烙刑逼取其糧糗又不繼則掘地大索隨所獲以支軍食相持一年始擒斬車噶喇于邁永底安坤走烏蒙烏蒙坤妻家所居地也三桂由烏撒率軍追擊之至烏蒙索坤不得坤復走

水西行至深箐中與援剿總兵馬寧兵遇遂就擒其妻
多智善變聞坤擒復走匿烏蒙捷聞磔安坤子軍其族
姓凡四十八支兵四十八萬俱分別收撫以隴騰的都
塚你阿架四則溪爲一府建府治于比喇改名平遠法
戈火著木胯架勒四則溪爲一府建府治于大方改名
大定則窩以著雄所三則溪爲一府建府治于水西城
改名黔西又設威寧一府俱領以流官知府通判經歷
各一隸貴州布政使司四府人民共一萬六千一百四
十七戶田十萬二千三百九十七畝有奇地六萬六千
四百十畝有奇徵米三萬七百一十九石有奇苜五千
三百一十二石有奇平大黔三府稅銀八百五十六兩
有奇黔省經制舊載有水西宣慰司報効米三千石烏
撒土知府報効苜三百石畢節衛附徵烏撒水田糧一
百七十石有奇俱入新編糧額

紀陝西官民殉國難事

前明崇禎十六年癸未流寇勢日猖獗時孫尙書傳庭
總督三邊授尙方劍許便宜行事傳庭才具揮霍顧操
下急失將士心是年冬率兵擊寇遇於河南之邾縣三
戰三北賊兵乘勝西下遂破潼關傳庭死於軍監軍道
喬遷高同及于難遷高初由鞏昌守題補監軍事傳庭
之鄉人也潼關旣破省城軍民駭亂開門降巡撫馮師
孔按察使黃綱巡道周維新俱自縊長安知縣吳從義
命家人某盡殺其妻孥衣冠望闕拜赴井而死其家人
亦自刎咸陽副將劉元山賊至不屈接戰數日力不支
死之至是賊勢益張各郡縣皆望風迎順賊乃僭號改

文貞公集

卷七

七

松蔭堂

元分遣賊將龔榆林寧夏甘肅寧夏最先降賊軍道經

慶陽守道段復興

山東人

嬰城固守比破盡焚其家屬親

提刀巷戰手刃十數賊力竭自刎賊至榆林總兵李昌

齡

涼州鎮番生員改習武以功陞總兵

鏖戰數日軍食盡外援不繼城破

率城中人乘夜走邊外賊躡其後一戰被獲賊迫之降

且誘爲前鋒寇北京許以封侯昌齡曰有人臣引賊而

攻其君國者乎眞天不覆地不載矣賊怒竟磔死甘州

總兵馬爌

山西代州人

先以傳庭令馳詣軍前援勦比至而

會城已陷爌孤軍不能自立於是勒兵還鎮過鞏昌召

副將歐陽滾議曰今與君暫歸河西調遣士卒嚴守臯

蘭保護肅邸可以徐圖恢復滾如約卽携眷屬偕爌赴

甘州是時人心惶惑曠飛檄調諸路兵無一應者及抵甘州距城不百里巡撫林曰瑞福建人疑曠已附賊閉門

不納曠遣使齎符印送曰瑞因對諸將大慟曰曠今進退無路獨有一死耳汝等皆去吾不能復保汝矣曠哭

衆軍皆哭曰瑞聞之馳騎迎曠入商固守之策未幾賊

將賀三風子者兵薄甘州峽口曠與日瑞堅誓死令副

將郭天吉榆林人武進士偕滾率兵迎擊以遊擊哈維新都司

萬恒爲之策應賊遺書誘天吉降不聽與賊遇於新河

灘初戰勝負未決越數日賊兵益增勢不能敵棄賊走

甘州城意欲調集番彝再戰乃援未至而副將崔某以

夜半援賊兵登城而甘州失矣曠聞城破舉火焚家屬

文貞公集 卷七 文 松蔭堂

自帶佩刀見賊抗手上坐叛將崔某在側曠指之大罵

曰負國賊世受國恩何忍至此賀賊語曠曰今日何以

奉教於先生曠解佩刀與之曰以此教汝殺我須用吾

刀因顧謂曰瑞我等皆國家大臣除一死更復何言隨

拂衣起北向再拜趨賊曰速殺我賊竟取所與佩刀殺

曠并殺日瑞繼賊見天吉笑問之曰峽口之戰汝耶今

日奈何天吉罵不絕口與恒俱被磔維新及都司高登

科同知藍臺通判鄭安國俱自刎滾闔室自焚其時同

與難者流寓則原任肅州道劉佳貞在藉則通判陳嘉

績知縣段自宏陸一桂俱至死罵不絕聲總兵王汝金

趙官羅俊傑副將劉國柱劉國棟叅將哈俊游擊李如

璋趙用彬任汝威呂承宮張應舉楊威都司守備曹爾謙趙宗祀景桂芳陳一魁賀圖麟王嘉官蕭榮華蔡俊世職指揮千百戶鄭世壽傅宏祚毛國泰趙應魁汪世爵皆各擁家丁血戰而死生員吳伯延童士楷義民梁進德節婦董氏等皆以不屈盡節時癸未十二月二十七日也順治三年甘撫黃公圖安會列名請卹而未悉其事實余友何君獻瑞言李公馬公被難狀較詳因據所聞書之如此嗚呼明之亡也文吏以僕隸視將帥朝士以秦越人視封疆之臣羽書旁午聞然無一應卒致烏合之勢如燎原之不可撲滅可悲也夫潼關敗衄八郡望風而靡河西孤塘遠寄邊鄙其不能以一木支大文貞公集

卷七

九

松蔭堂

屢諸將士寧不知之然而登陴固守臨難協心迄乎力窮就縛抗手唾罵剖肝屠腸畧無怖色豈歐陽氏所謂忠義之氣獨出於武夫戰卒者歟及今三十年而其英烈炎炎如嚴霜皦日真可與顏段張許爭不朽於青史矣

紀順治間錢糧數目

從來創業之主享有勝國之資不煩征斂而國用滋富漢之承秦唐之承隋明之承元皆是道也惟宋當五代紛爭之後海內衰耗差遜漢唐而左藏之庫積金如山則猶有餘蓄焉前明之末秕政厲民始以軍興旁午議加遼餉繼以民貧盜起復加剿餉繼以各邊抽練復加練餉催科無藝中外蕭然迄國家以仁義之師入關靖寇而中原赤子業已折骸斷骨於百戰之餘其所謂內庫之帑藏又已盡罹賊劫蓋實遺我一空虛之國也世祖章皇帝旣定大業衽席疲民下

文貞公集

卷七

三

松蔭堂

中年舊額稅斂亦綦薄矣獨是多方未靖虎旅四征今年下兩浙明年定八閩又明年克楚蜀克兩粵輦金輸粟相望於道方順治八九年間歲入額賦一千四百八十五萬九千有奇而諸路兵餉歲需一千三百餘萬加以各項經費二百餘萬計歲出至一千五百七十三萬四千有奇出浮於入者凡八十七萬五千有奇至十三年以後又增餉至二千萬嗣又增至二千四百萬時額賦所入除存留項欸外僅一千九百六十萬餉額缺至四百萬而各項經費猶不與焉國用之匱乏蓋視前代爲獨甚而我

先皇帝愛民如子必不忍爲苟且目前之計於額賦外

少加毫末汰冗員抑繁費躬行儉約爲天下先自親政以後在宥十年未嘗興一不急之工採一玩好之物軍需浩穰悉取給於節省之餘而發帑金以賑凶荒賜田租以甦疾困數歲之中

詔書屢降自古開創之主寬仁恭儉未有若斯之盛者也謹錄十七年歲入之數如左後之覽者仰惟

先皇帝忠厚開基損上益下其經營締造之難如此庶幾

聖子神孫席履豐盛而益務息民重農減征寬賦其司國計者壹意以稟法師儉輔導

聖明則

文貞公集

卷七

三

松蔭堂

祖宗搏節愛養之物力不致委棄於土木甲兵而人殷物阜可與成康比隆也已

元年 鹽課制錢共銀二十三萬零六百三十七兩一錢九分一釐

二年 鹽課制錢共銀一百四萬零六十二兩三錢九分四釐

三年 鹽課制錢共銀二百十四萬二千九百五十五兩一錢一分一釐

四年 鹽課制錢共銀三百零九萬八千七百四十六兩二錢八分四釐

五年 鹽課制錢共銀三百二十九萬九千九百五十五兩二錢五分七釐

六年 鹽課制錢共銀三百九十萬一千九百零七兩八錢五分四釐

七年 鹽課制錢共銀七百八十五萬七千零十七兩一錢六分四釐

七年以前可考者鹽課制錢而已其餘錢糧木經奏銷

無可稽考

八年直隸福建河南江西湖廣山西廣東有地丁銀米
數江南陝西浙江山東有銀米數無地丁數廣西初定
八年分銀米數彙入九年四川雲南貴州未闢計丁田二項並
雜稅鹽錢共實征銀二千一百一十萬零一百四十二兩有奇

九年江南有銀米地丁數廣西有銀米數無地丁數餘
同八年計丁田二項並雜稅鹽錢實征銀二千一百二十六萬一千三百八十三兩五錢有奇

十年四川有銀米地丁數餘同九年計丁田二項並雜稅鹽錢實征銀二千一百二十八萬七千二百八十八兩四錢

十一年各省有無數目同十年計丁田二項並雜稅鹽錢共實征銀二千一百六十八萬五千五百三十四兩九錢有奇

十二年廣西銀米蠲免餘同十一年計丁田二項並雜稅鹽錢共實征銀二千二百二十四萬五千九百五十四兩有奇

十三年各省有無數目同十二年計丁田二項並雜稅鹽錢共實征銀二千二百零八萬九千六百九十六兩三錢有奇

十四年浙江有銀米地丁數陝西廣西有銀米數無地
丁數餘同十三年計丁田二項並雜稅鹽錢共實征銀二千四百三十六萬六千三百六十五兩七錢有奇

十五年貴州有銀米數無地丁數餘同十四年計丁田二項並雜稅鹽錢共實征銀二千四百五十八萬四千五百二十六兩四錢有奇

十六年雲南有地丁銀米數餘同十五年

十七年同十六年計丁田二項並雜稅鹽錢共實征銀二千五百六十六萬四千二百二十

三兩二錢有奇

文貞公集

卷七

三

松蔭堂

紀順治間戶口數目

古者司民掌登萬民之數自生齒以上皆書於版歲登下其死生三年大比而民數上於天府則王者拜而受之其重民如此戶口之有算賦非古也有田則稅有身則役未有旣役之復稅之者也公家之事國中自七尺以及六十野自六尺以及六十有五皆征之其貴者賢者能者服公事者老者疾者皆舍亦以歲時上其書是則生齒之數與力役之數當各有籍而非以賦役之多寡爲生齒之贏絀也自西漢初有口錢算賦而戶口之賦以起歷代相沿未變獨所紀戶口登耗之差不知自生齒以上悉紀之歟抑收口錢算賦然後列於丁男之文貞公集

卷七

三

松蔭堂

數歟如以口錢算賦爲紀則民間漏籍不可勝指而卽據此以爲贏絀可歟隋制男女三歲以下爲黃十歲以下爲小十七歲以下爲中十八歲以上爲丁六十爲老唐制始生爲黃四歲爲小十六爲中二十一爲丁六十爲老不知隋唐所紀戶口抑自黃口以上悉紀之否歟我國家戶口冊仍前明黃冊之制分舊管新收開除實在四則以田土從戶口分豁上中下三等立軍民匠竈等籍而役之輕重準焉顧西北上滿人稀隱避恒寡東南則有田然後有丁其載諸冊籍者皆實輸丁糧之人而一戶之中生齒雖盛所籍丁口率自其高曾所遺非析產不增丁則入丁籍者常不過數人而已其在仕籍

及舉貢監生員與身隸營伍者皆例得優免而備保奴
隸又皆不列於丁則所謂戶口登耗之數於生齒之贏
絀總無與也夫丁之不能無隱避者勢也東南之賦繁
役重極矣欲審丁以增賦雖奸無所容而民益不堪命
是虐政也按黃冊載某戶丁幾名於某丁下注男婦若
千口而總數專載實在當差丁若干名似宜變通昔人
之法分爲二冊一載實在當差丁共若干名一載不當
差人口共若干名以爲每歲登耗之驗其輸丁糧者俾
日增月盛不至有流移轉徙之患而不輸丁糧者亦生
息蕃衍有登而無耗則民氣盛而國勢強庶幾乎王政
矣頃康熙九年以省無益之費議令罷造黃冊夫每縣
造冊煩費罷之良是然而各省布政使司彙造簡明冊
開列人丁戶口總數上之天府以示重民事之義倘亦
古人存餼羊之遺意乎茲紀順治間戶口數如左我國
家幅員以次開拓自十六年雲貴下而後輿地盡入版
圖故戶口亦歲有增益而

世祖章皇帝休養疲氓勝殘去殺仁漸義育者十八年
然後兵燹子遺之民得悉宥於成周太和之治則夫奕
葉而後所以保有元元者可無慎歟

順治元年至七年人丁戶口無可考

八年

實在當差人丁戶口一千六百
十三萬三千三百二十六丁

九年

實在當差人丁戶口一千四百四十八萬三千八百
五十八丁內審增五萬五千五百九十二丁

十年 實在當差人丁戶口一千三百九十九萬六千五百九十八丁內審增五萬四百七十丁

十一年 實在當差人丁戶口一千四百七十五萬四千二百五十九丁內審增二十七萬二千九百五十九丁

十二年 實在當差人丁戶口一千四百三十三萬三千九百五十九丁內審增二十六萬九千三百一十一丁

十三年 實在當差人丁戶口一千五百四十一萬二千七百七十六丁內審增二十五萬六千三百一十五丁

十四年 實在當差人丁戶口一千八百六十三萬二千八百八十一丁內審增九萬四千三百四十四丁

十五年 實在當差人丁戶口一千八百六十三萬二千八百八十一丁內審增九萬四千三百四十四丁

十六年 實在當差人丁戶口一千九百萬八千九百一十三丁內審增二十五萬五千九百一十八丁

十七年 實在當差人丁戶口一千九百八十七萬五千七百七十二丁內審增一十一萬二千七百二十五丁

文貞公集

卷七

七

松蔭堂

文貞公集卷八

京口張玉書素存著

紀

昭代樂章恭紀

順治元年八月

世祖章皇帝車駕至燕京九月朔卽皇帝位將以十月告祭

天地宗廟社稷時樂章未定大學士臣銓臣承疇臣陞上言郊廟社稷樂章前代皆各取佳名以昭一代之制漢魏曲名各別不可枚舉梁用雅北齊及隋用夏唐用和宋用安全用寧元郊社用成宗廟用寧明用和今我

文貞公集

卷八

一

松蔭堂

朝削平寇亂以有天下有與萬邦黎獻共享太平之義

樂名宜更用平其節則郊社九奏社稷七奏宗廟六奏

制可爰命翰林諸臣分撰樂章撰定太常寺頒示樂舞

諸生以時肄習焉今考各壇廟樂章其辭明肅簡穆取

乎達將享之忱洽幽明之德而非靈芝宛馬白麟赤蛟

諸歌誇奇瑞於天神人鬼之前者可比此所謂古樂之

遺音宮懸之雅奏也而臣愚竊惟廟樂始於三頌詩序

所謂美盛德之形容以其神功告於神明者也商頌自

有娥及契以迄成湯武丁周頌自后稷太王以及文武

成康皆發揚其文德武功之盛以達於詩歌藏於太府

漢郊廟詩樂不及祖宗之事則班固譏焉晉泰始中傳

元製登歌七章分祀七廟自是歷代相沿皆有廟室
之樂蓋禮不忘其本樂樂其所自生古之義也洪惟我
太祖高皇帝肇造丕基臣服之國三十有二

太宗文皇帝益纘而光大之迄

世祖章皇帝底定方夏混一寰區文德武功皆前代所
未及謂宜各製廟樂發皇盛治庶幾

祖宗艱難創垂之烈得以昭示來茲而徒取籩豆祿享
之辭徹諸神聽得母于形容盛美之誼猶有缺焉者與
謹案典制元會樂作于殿上名曰莽式所陳皆昭代故
事率以滿洲舊臣充其選有旌旄弓矢躍馬蒞陣之容
有屈伸進反俯仰疾徐之節特以歌辭無漢音未遑頌
之太常俾樂工肄習臣愚謂應命儒臣援據其事撰譯
歌詩爲

高廟樂

文廟樂而更益以入中原靖羣寇諸舞爲

世廟樂聲容悉備事實而律諧則太和洋溢之氣塞于
宇宙而國運之寔昌寔熾可以預卜矣

冬至大祀天於圓丘迎神奏始平詩曰

敬承純佑兮於昭有容時維永清兮四海攸同輸忱元
祀兮從律調風穆將景福兮鏡履微功淵思高厚兮恐
負洪則聿章彙序兮夙夜宣通雲駢鸞輅兮忽降中壇
翠旗紛裊兮列缺豐隆肅始和暢兮慶洽陶匏百靈祗

衛兮齋明辟工恭仰德徽兮神來燕喜協慈惠兮邀鑒
予衷

奠玉帛奏景平詩曰
靈旂爰止兮捧玉筵執事有恪兮駿奔前有美珪璧兮
薦元織經緯獲理兮耀珊瑚瓊來格洋洋兮思儼然孔忱
翼翼兮告中虔

進俎奏咸平詩曰
昇餽珍錯兮列豆遵吉蠲爲糖兮格重元九州美味兮
薦膏鮮特牲潔敬兮苾芬筵願垂降鑒兮駐雲輶錫嘉
福兮億萬斯年

初獻奏壽平武功舞詩曰

文貞公集

卷八

三 松蔭堂

玉笋肅陳兮明光桂漿初醞兮信芳臣心迪惠兮捧觴
醴齊載德兮馨香靈慈徽眷兮商皇勤仰止兮斯徜徉
亞獻奏嘉平文德舞詩曰

考鐘拂舞兮再進瑤觴翼翼昭事兮次第肅將睟顏容
與兮蒼几輝煌穆穆居歆兮和氣洋洋生民望澤兮仰
睨玉房榮泉瑞露兮慶無疆

終獻奏雍平文德舞詩曰

終獻兮玉笋清肅和鬯兮薦徽誠磬管鏘鏘兮協氣升
盈盈旨酒兮勿替思成尚其醉止兮懷嘉生八龍蜿蜒
兮穆羽和鳴

敬饌奏熙平詩三

聖薦畢兮精白申虞嬖孽兮勞我神百辟肅雍兮傾粟
罇福施下逮兮宜佑人民

送神奏太平詩曰

嘉德夙成兮晡靄壇塲穆思迴盼兮雲駕洋洋山河日
月兮孔明深高青龍按節兮白虎低昂靈鈞滌蕩兮妖
孽潛消吾求時惠兮感慮馨香鳴玉鏗金兮肅若有望
紫壇嶽壘兮穆穆煌煌臣乘寶歷兮載須我輔願蒙博
產兮河岳鍾良天施地育兮不可殫究殖我嘉師兮沐
浴休光

望燎奏安平詩曰

雷車電邁兮飛遠揚有虔秉火兮精越芳繁會賁鏞兮

文貞公集

卷八

四

松蔭堂

奮龍旂畀爾昌熾兮降肅光烝民歌福兮富壽康予獲
疇祉兮萬億斯皇

順治五年冬至郊奉

太祖武皇帝配享十四年奉

太祖

太宗並配

正月上辛祈穀于上帝迎神奏中平詩曰

惟帝勤民兮求莫匪舒小民何依兮黍稷與與元日有
事兮百辟趨爲民請命兮口食咸需遙瞻龍駕兮歷紫
虛日臨黃道兮東風徐臣深昭事兮遑寧居願垂嘉惠

兮大有書

一奠玉帛奏肅平詩曰

民天惟食兮農事先粒我蒸民兮賴重元風霆流形兮
雨澤霑實穎實粟兮氣化全玉帛祗奏兮禋祀虔仰祈
寰宇兮享農年

進俎奏咸平詩曰

鼎烹兮苾芬嘉薦兮無文奉雕俎兮大武羶薌達兮氣
干雲昭普存兮民力惟民德兮馨聞
初獻奏壽平武功之舞詩曰
初獻兮元酒盈著誠致潔兮犧尊盛儼對越兮在上惟
昭明兮有融瑟黃流兮玉瓚帝心歆假兮賚嘉禎

亞獻奏景平文德之舞詩曰

文貞公集

卷八

五

松蔭堂

著尊啟兮告虔清酌次第兮舉前禮再獻兮肅拜列瑤
觴兮秩斯筵神悅懌兮如在惠我嘉生兮福便便

終獻奏永平文德之舞詩曰

終獻兮太尊移苾芬嘉旨兮圭瓚交馳神旣醉止兮錫
祉禮成于三兮陳詞願灑餘瀝兮沐羣黎臣拜手兮望
雲霓

徹饌奏凝平詩曰

俎豆具陳兮庶品齊舉荷昭鑒兮靡或遺饌告徹兮玉
几登歌洋溢兮式禮無違肅微忱兮告終事上帝居歆
兮錫純禧

送神奏清平詩曰

祗奉天威兮弗敢康
小心翼翼兮昭穹蒼
雲垂九天兮露灑瀼
翠旗羽節兮歸何鄉
臣拜下風兮意徬徨
願沛汪澤兮時其雨
賜

望燎奏太平詩曰

翹首兮天閭邈被雲海兮何蒼茫
燭蕭求帛兮薦馨香
精誠感格兮降福穰
四時順序兮百穀以昌
臣同兆姓兮感荷恩光

順治十四年正月祈穀奉

太祖配十五年奉

太祖

太宗並配是日以太常音樂錯亂嚴飭之祈穀禮舊行

文貞公集

卷八

六

松蔭堂

于大享殿至十七年

諭孟春于大享殿行合祀禮因改祈穀于園丘合祭祀
祀共十二壇十八年後罷合祀仍祈穀于大享殿順治
十四年二月又

命建享殿于太城內祀上帝亦奉

祖宗並配康熙初罷

夏至祀地於方澤迎神奏中平詩曰

吉蠲兮玉宇開薰風兮自南來
鳳馭紛兮後先岳瀆
靈兮徘徊肅展禮兮報功沛靈澤兮九垓

奠玉帛奏廣平詩曰

神州吉土兮中壇宓我元峙兮孔嚴
辟工趨蹌兮潔蠲

考鐘伐鼓兮肆筵黃琮織綺兮陳列雲光下燭兮誠悃
宣

進俎奏咸平詩曰

玉俎金奏兮未央嘉肴有薦兮大房牲牲告歆兮惟恪
民力普存兮肅將厚載資生兮無外几筵俯鑒兮洋洋
初獻奏壽平武功之舞詩曰

匏尊泛齊兮朝踐揚博碩升庖兮鼎方清風穆穆兮靈
旗張神明和樂兮舉初觴洽百禮兮禋祀馨九土兮平
襄

亞獻奏安平文德之舞詩曰

江芾兮縮漿山巒雲羃兮馨香介黍稷兮芳旨再展微
文貞公集 卷八 七 松蔭堂

忱兮趨踰樂成入變兮樂只儼皇祇兮悅康

終獻奏時平文德之舞詩曰

方壇兮豐薦盈旨酒斯柔兮中和平陟降從容兮駐雲
駢禮成三獻兮捧玉觥含宏光大兮德厚靈佑丕基兮
永清

徹饌奏貞平詩曰

樽俎畢兮誠未虧黃琮告徹兮儀景輝晏陰定兮邀靈
錫南詠秩兮徧薰時肅惟昭明兮孔邇覃博厚兮載羣
黎

送神奏寧平詩曰

靈旂兮雲際屯飛龍兮逝駸駸陰儀粹兮體親眷四海

兮無塵配元穹兮化宣綏百祿兮烝民

望燎瘞重舉送神

順治十四年三月壬子奉

太祖

太宗並配方澤

詔赦天下

春分朝日迎神奏寅曦詩曰

於昭兮旭輪浴虞淵兮初升春已融兮交泰循典禮兮
惟馨燭蕭艾兮祇肅神其聽兮和平

奠玉帛奏朝曦詩曰

神來格兮太乙東統萬國兮玉帛同肅將享兮承筐篚

文貞公集

卷八

八

松蔭堂

盥以薦兮孚有顒

初獻奏清曦武功之舞詩曰

再舉奠兮鬱金香嘉樂合兮舞洋洋神飲食兮意徜徉
容貌舒兮和以康

終獻奏純曦文德之舞詩曰

式禮未竭兮還升終以告虔兮醑醑願神且留兮鑿茹
以侑以勸兮至誠

徹饌奏延曦詩曰

儀既成兮物已饗神欲起兮運靈爽徹不敢遲兮愼趨
踰照臨下土兮常朗朗

送神奏歸曦詩曰

雲車征兮風馬翔驅馳千仞兮臨萬方再拜稽首兮稱
送神振轡當陽中天麗兮徹隱普天戴兮恩光敷和煦
兮成物錫萬寶兮永康報神功兮時享祈神佑兮悠久
無疆

其音 秋分夕月迎神奏迎光詩曰

猗與太陰兮御望舒式遵九道兮遊清虛伏准姊兮從
兄車兮之夕兮來享予

其音 奠玉帛初獻奏升光詩曰

有來雍雍幣帛在陳琮璜以加明德惟馨式舉黃流兮
挹犧尊邊豆靜嘉兮肴核芬

亞獻奏瑤光詩曰

文貞公集

卷八

九

松蔭堂

二齊載升維以告虔歌管煌煌奉神之懽荷亘古兮麗
天報之德兮几筵

終獻奏瑞光詩曰

一敬畢伸三舉願醕誠信潔齊天下有道鼓鐘簡兮聲
容並茂象大德兮厥光皓皓

徹饌奏函光詩曰

其音 既歆對越告成饋爾登豆敬受駿奔神悅懌兮意
欣欣子翼慎兮安以寧

送神奏保光詩曰

駕彩霞兮瞻景星御和風兮躡慶雲神欲起兮不再停
瞻天衢兮拜雲程影蹁躑兮光澄清饗予祀兮意殷勤

予所視兮世太平偃武修文兮萬世長春

順治八年以前日月從祀天壇裁春秋二季八年六月
允禮部請于從祀外仍行朝日夕月禮如舊典

春秋二丁日祀先師孔子迎神奏咸平詩曰

大哉至聖峻德元功敷文衍化百王是崇典則有常昭
茲璧雍有虔簋簋有嚴鼓鐘
奠帛初獻奏寧平詩曰

覺我生民陶鑄前聖巍巍泰山實予景行禮備樂和豆
遵惟靜抒頌六經爰斟三正
亞獻奏安平詩曰

至哉聖師天授明德木鐸萬年式是羣辟清酒維醑言
文貞公集 卷八 十 松蔭堂
觀秉翟太和常流英才斯殖

終獻奏景平詩曰

猗歟素王示予物軌瞻之在前神其寧止酌彼金壘惟
清且旨登獻有終弗遐有喜

徹饌奏咸平詩曰

辟水淵淵崇牙業業旣歆宣聖亦儀十哲聲金振玉告
茲將徹饌假有成羹牆靡惕

送神奏咸平詩曰

煌煌學宮四方來宗甄陶士子暨予微躬思皇多士膚
奏厥躬佐子永清三五是隆

順治二年正月從祭酒李若琳請更先師孔子神牌爲

大成至聖文宣先師孔子十四年三月復爲至聖先師
孔子九年九月辛卯

上幸太學釋奠十七年正月復以文廟工成親祭

春秋二戊日祀太社太稷迎神奏保平詩曰

猗歎土穀兮功化隆烝民立命兮九域同壇
瓚儼肅兮風露通新邑翼翼兮俎豆豐望烟駕兮
驂鸞龍秉圭殖璧兮予親躬

初獻奏壽平詩曰

陰祀黜牲兮元郊同清醑旣載兮臨齋宮朝踐初舉兮
子衷洋洋在上兮錫福洪

亞獻奏嘉平詩曰

文貞公集 卷八 十一 松蔭堂
樂具入奏兮聲煌煌兕觥其掬兮恭再揚厚德配地兮
佑家邦屢豐年兮兆庶康

終獻奏雍平詩曰

方壇北宇兮神中央盈庭帟舞兮時低昂酌醑三爵兮
綠醕香新舊邦兮命溥將

徹饌奏熙平詩曰

籩豆大房兮儼成行歆此吉蠲兮猶迴翔椒漿瑤席兮
徒芬芳黍稷非馨兮悅且康

送神奏成平詩曰

孔蓋翠旌兮隨風颺龍輶容與兮指天閭咫尺神靈兮
隔穹蒼流景祚兮卜世昌

望燎奏安平詩曰

牲玉陳兮延景光百禮既洽兮終瘞藏願神聽兮時予
匡四海攸同兮惠無疆

春秋二仲祀歷代帝王迎神奏雍平詩曰

乘時運兮極隆造經綸兮顯榮總古今兮一揆貽大寶
兮微躬仰徽猷兮有嚴闕宮儀羣帝兮後先予稽首兮
下風

奠帛初獻奏安平詩曰

靈之來兮儼若盈予仰止兮在庭承筐篚兮既登偃靈
蓋兮結翠旌鑿予情兮忻享薦芳馨兮肅成景行兮六
龍嘉氣兮瞳瞳奠犧尊兮以笙以鏞羣工肅兮屏營惠
文貞公集 卷八 三 松蔭堂

我懿則兮允中

亞獻奏中平詩曰

二觴兮酒行諸帝熙和兮悅成念昔致治兮永清瞻龍
袞兮自天紹錫兮嘉平

終獻奏嘉平詩曰

瑤爵兮獻終萬舞洋洋兮沐清風龍鸞徐整兮企子嗣
徽音兮何從盼雲車兮緩移示周行兮廸子衷

徹饌奏凝平詩曰

饁餼蒸兮畢升五音會兮滿盈禮將徹兮虔告鑿孔忱
兮載翼載登

送神奏壽平詩曰

旛幢繚繞兮動回風和鸞並馭兮歸天宮五雲擁兮高
馳翔願廻靈盼兮錫年豐

望燎奏清平詩曰

羣龍驟駕兮一氣中焄蒿芬烈兮實冥通望神光兮遙
燭惟終古兮是崇

順治二年議歷代帝王廟祀禮臣言宋曾納貢于大遼
稱姪于大金則宋之天下乃遼金分統南北之天下也
廟祀不得獨遺至元世祖之有天下功因太祖未有世
祖入廟而太祖不入者亦應追祀

詔從之于是祀伏羲神農黃帝少昊顓頊高陽高辛唐
堯虞舜夏禹商湯周武王漢高祖光武唐太宗宋太祖

文貞公集

卷八

三

松蔭堂

遼太祖金太祖世宗元太祖世祖明太祖共二十二帝
其從祀功臣則風后力牧皋陶夔龍伯夷伯益伊尹傅
說周公且召公奭太公望召公虎方叔張良蕭何曹參
陳平周勃鄧禹馮異諸葛亮房元齡杜如晦李靖李晟
郭子儀張巡許遠曹彬潘美韓世忠張浚岳飛楊魯粘
沒宰幹離不木華黎伯顏徐達劉基共四十一人十七
年六月御史顧如華請奉守成賢君入廟下禮臣議商
中宗高宗周成王康王漢文帝宋仁宗明孝宗皆屬賢
君但帝王廟止祭創業之君不及守成應否入廟候

旨酌定

詔奉七君入廟其遼太宗金太祖元太祖元未混一天

下且行事不及諸帝王令罷祀從祀功臣罷宋潘美張
浚亦應如華請也順治十四年二月丁酉

上親祀帝王

仲春祀先農壇迎神奏永豐詩曰

勾芒秉令土牛是驅天下一人蒼龍駕車念彼田疇民
命是驅生成有德尚式臨諸

奠帛奏登豐詩曰

先農神哉耒耜教民田祖靈哉稼穡是親功德深厚天
地同仁肅將幣帛肇舉明禋

初獻奏時豐詩曰

厥初生民萬彙莫辨神錫之庥嘉種乃誕執茲醴齊濯
支貞公集

卷八

十四

松蔭堂

功益見玉瓚椒醑肅雍舉奠

亞獻奏咸平詩曰

上原下隰日穀盈止立我烝黎秀良興起樂舞具備吹
鼙稱兕再躋以獻肴馨酒旨

終獻奏大豐詩曰

糜芑秬秠維神所貽以神饗神曰予將之秉耒三推東
作允宜五風十雨率土何私

徹饌奏屢豐詩曰

於皇農事自古爲烈莫敢不承令茲忻悅遵豆既豐簋
籩云潔神視并疆執事告徹

送神奏報豐詩曰

麻麥芄芄秬稻連阡縱橫萬里皆神所瞻人歌鼓腹史
載有年歲有常典弗祿綿延

望燎奏慶豐詩曰

玉版蒼幣來鑒來歆敬之重之藏于厚深典禮由古子
行自今樂樂利利國以永寧

時享太廟迎神奏貞平詩曰

皇輿啟圖世德欽崇粵庇眇躬率土攸同冀州維宅爰
止自東太室既尊萬國朝宗翼翼孝孫對越新宮維神
格思皇靈顯融

初獻奏壽平詩曰

於皇祖考克配上天越文武功四方維宣孝孫受命達
文貞公集 卷八 五 松蔭堂

志重元禾錫純祐億萬斯年

亞獻奏嘉平詩曰

慈祀精忱洋洋如生有融昭明陟降於庭優然有容儼
然有聲孝孫虔只頤若中情

終獻奏雍平詩曰

越祖宗之德肇茲天歷敢曰予小子享有成績欲報其
德昊天罔極懇懃三獻我心悅懌

徹饌奏熙平詩曰

儀肅樂成神燕以娛告成於祖亦右皇妣敬徹不遲用
終祀禮介福綏祿永錫祚祉

還宮奏成平詩曰

盈溢肅雍神運無迹寢祐靜淵恍兮安適厥靈在天祖
考在室于萬斯年孝思無斁

歲暮禘祭太廟迎神奏貞平詩曰

承眷命兮撫萬邦嗣丕基兮祖德昌溯謨烈兮弗敢忘
虔歲祀兮舉舊章瀝悃誠兮迓休光祈來格兮意徬徨
奠帛行初獻禮奏壽平詩曰

紛葳蕤兮神畢臨儼對越兮抒素忱陳纖縞兮有壬林
酌醇醑兮薦德馨恪溥將兮俶來歆錫嘉祉兮祐斯民
亞獻奏嘉平詩曰

維肇祥兮德配天垂燕翼兮祚萬年潔豆籩兮秩斯筵
載陳醴兮介牲牲協笙鏞兮遠雲駟肅駿奔兮中彌虔
文貞公集

卷八

七

松蔭堂

終獻奏雍平詩曰

椒飴芬兮神留俞節三奏兮旨清醑萬羽于兮樂孔都
禮明備兮罔敢渝旣醉止兮咸樂胥永啟佑兮披皇圖
徹饌奏熙平詩曰

典儀敘兮神格思樽俎將兮享靡遺悅且康兮徹弗遲
鑒精禋兮第祿綏

還宮奏清平詩曰

孝思展兮禮告成神言歸兮陟在庭萃龍馭兮返穆清
主肅將兮式丹楹瞻列聖兮優容聲廻靈盼兮佑丕承
維神聽兮和且平繼序皇兮亶休徵

順治十六年禮部議允副都御史袁懋功請以歲暮禘

享太廟十七年三月

詔每歲萬壽元旦俱奉

四祖神主合祭於奉先殿位次如太廟祫祭奉先殿初
建于十四年更建於十七年九廟除夾室外增建敞殿
九間

孟夏歲暮祀太歲月將之神迎神奏保平詩曰
吉日良辰祀典孔殷於維太歲月將諸神乘時秉德輔
國佑民遙遙龍馭頓轡九閭壇壝蠲潔延佇來臨

奠帛初獻奏安平詩曰

維神至止螭駕雲旂洋洋在上元景延禧東帛承筐展
我誠斯神示昭鑒尚其勿遺神於弭節薦馨敢後祀事
文貞公集 卷八 十七 松蔭堂
方初陳饋捧酌晨光熹微嘉祥承候百禮不愆樂具入
奏

亞獻奏中平詩曰

以我齊明率禮攸行載拜稽首旨酒斯盈牲牲肥腍交
彼神明樽鬯上下奏醴思成

終獻奏肅平詩曰

執事有嚴品物斯備非馨黍稷用宣誠意朱絃登歌絲
衣揚觶予胥樂兮神錫爾類

徹饌奏雍平詩曰

春祈秋報歲省維勤含醇飲德孰非明神維神臨御胙
饗遠巡獻酬云畢誠敬斯申

送神奏宣平詩曰

出令明堂神爽卒度報功迎氣崇祀其作神人以和既
康且樂瞻望景光邈彼寥郭

文貞公集

卷八

十六

松蔭堂

邦且樂御堂景光邈彼寥郭

出令明堂神爽卒度報功迎氣崇祀其作神人以和既

自昔幅員之廣臣服之衆漢與元爲最盛漢自置越巂諸郡通使大夏而西極遠蠻咸相繼引領內鄉然而師老財匱叛服靡常則黷武之禍論者譏焉元祖滅國四十次平西夏武功之赫極矣獨是諸國旣滅其地遂墟今考元史所載邊沙以外歲時輸貢者未之聞也惟我國家肇迹東陞誕膺天眷

太祖高皇帝以神武懾服羣雄

太宗文皇帝以寬仁懷柔與國時外藩君長擁衆部居廬帳相望者不啻數什計而

兩聖相承貳執服舍師行所至往往稱天以臨而絕無

文貞公集

卷八

五

松蔭堂

利其土地私其民人之意以故諸藩服畏威戴德大則刑牲約誓小則納款貢珍二十餘年間接踵稱臣惟恐以後至膺逆天之罰嗚乎何其盛也迨

世祖章皇帝建鼎燕都版章益廓維是逋誅遺寇尚煩干戈其他俟后之民則

詔書所至無不稽首嚮順者末年大告武成聲教四訖于是山海諸藝皆不煩鞭箠遣使而至闕下矣至於外藩蒙古則歲加宴會廣示推恩親親之誼柔遠之仁十八年如一日焉今紀諸國及諸部落名目間據見聞以其事附紀于下東極于使鹿使犬西極於厄內忒黑土魯番北極於喀爾喀俄羅斯南極于琉球暹羅其爲道

里不可以數計而皆以德服而不以威取則自漢以來所未有也頃我

皇上仰鑽

祖宗謨烈招徠遠人化洽中外安南黎莫構兵廷議欲致師聲討而廟算遣兩使臣馳傳往諭不煩一旅而交綏帖息

聖德廣大齊於覆載嗣是以往當更有前代未臣之地

陸讐水慄奔走而來賓者矣

薩哈連部落

卦爾察部落

薩哈爾察部落

文貞公集

卷八

松蔭堂

索倫部落

東方格克里部落

東方巴牙喇部落

東果瓦爾喀部落

虎爾喀部落
虎什喀里等八姓

以上俱滿洲屬部

科爾沁國

自天命以來與我世為婚姻之國其最著者為土謝圖親王卓禮克圖親王吳克善女為皇后十八

年四月冊贈皇太后父寨桑為和碩忠親

王母為賢妃五月冊封鎮國公綽爾濟女為

皇后十六年五月冊封皇太后親兄滿珠

郭爾羅斯部落
扎穆

鄂爾多斯部落

在陝西邊外順治八年多爾濟等入寇固山額真噶達洪等大破之于賀蘭山

喀爾喀部落

達爾禮又遣台吉二十六員同榆林官兵恢復龍州進靖二堡寧夏花馬池定

杜爾伯特部落

寧夏提督官兵圍困花馬池擊敗定邊賊兵有七旗殺虎口外至靖邊

扎賴忒部落

爾沁之後

吳喇忒部落

杜陵楮冲赫毛奇塔撻綽爾濟喀喇齊領揚古兒

烏朱穆秦部落

秉圖王車臣王俱王號此部與喀爾喀相接與蒿齊特近

以上俱天命間附

察哈爾國

元之後即所謂察罕也天聰間附其王曰阿布戴尚主為和碩額駙後得罪禁錮盛京命

文貞公集

卷八

三

松蔭堂

與子布爾尼嗣魯康熙十四年布爾尼謀反舉兵入犯命大將軍爾沁國所執獻馘於

之布爾尼道走為科爾沁國所執獻馘於京師上念為公主所生詔免懸首

土默特部落

土默特喀爾喀喇沁皆察哈爾國屬部故明時封為順寧王天聰間附順治八年以

法古穆隨其父舉國來歸屢立戰功授鎮國公在張家口外又有歸化城土默特別

扎爾忒部落

噶爾瑪塞望顧穆望顧穆

翁牛忒部落

阿蘇忒部落

扎魯忒三部為土默特屬部

喀爾喀部落

極北其族有五部其人物著者為顧雷汗扎薩克圖汗土謝圖汗車臣汗畢習勒圖

汗那穆齊衛徵那顏情魯木諾爾台特其爾哈台吉汗等歲時貢馬不絕於道特其

人傑驍時爾入邊境掠我巴林屢降諭嚴飭合贖罪通好順治十年命安郡王岳

樂為宣威將軍駐防庫黑城亦禦喀爾喀
兵也十二年七月命安郡王同喀爾喀使
臣于宗人府約誓修睦十七年定例土謝
圖汗車臣汗畢習勒圖汗每歲入貢一次
白馬八匹白駝一隻管固山汗貝勒及為
首台吉大臣喇嘛等許至京師餘皆停止
喀爾喀使較他部獨多入

柰曼部落

按元史元太祖與乃蠻部凡數十戰其音相
似豈其苗裔耶其人物著者則有綽博惠搜
塞阿林冲額
爾得厄温冲

敖漢部落

桑噶爾額林
臣墨勒根

克西克騰部落

台吉雲
敦沙里

四子部落

順治三年追剿蘇尼忒部有功與
土默特喀喇沁相接在張家口外

喀喇徹里克部落

喀喇徹里克又
柰曼所屬也

文貞公集

卷八
三 松蔭堂
扎薩克圖顧祿世希在喜峰口外即稟顏
三衛其部長即前明時都督都指揮也

伊蘇忒部落

伊蘇忒為喀
喇沁屬部

阿霸垓部落

固倫公主下嫁噶爾瑪索訥
木又有嫩阿霸垓嫩河名

蒿齊特部落

順治七年有台吉噶爾篤撒望
楚虎爾牽所部千餘人來歸

夜黑部落

即前明時所謂北關也
四部舊俱屬科爾沁

哈達部落

南關

兀喇部落

輝發部落

使鹿部落

極東過索倫東南即老
察東北即使鹿使犬

使犬部落

極東

厄魯得部落

在西北其主為顧實汗崇奉達賴喇嘛順
治九年九月詔遣承澤親王賈書迎達

賴喇嘛來都十二年達賴至十年歸國詔封顧實為遵行文義敬慧顧實汗達賴為

湯古忒部落

在西南喇嘛有二種以喇嘛為別達賴黃帽大寶喇嘛有寶法王花帽三寶法王黑帽

湯古忒汗尊大寶二寶三寶法王厄顧得達賴之教因逐其汗并逐達賴法王自雲南來歸

于我今大寶法王復從達賴之教二寶法王仍在雲南湯古忒及厄內

厄內忒黑部落

極西大 西天 賜達賴冊文用圖白 忒黑圖白忒俱厄魯得所屬

圖白忒部落

賜達賴冊文用圖白 忒部落字即湯古忒

以上俱天聰間附

蘇尼忒部落

沙克查騰機思奔巴世希騰機忒順治三年五月騰機思叛命和碩豫親王多鐸為

文貞公集

揚威大將軍同承澤郡王碩塞等征之斬首千級俘獲八百餘人騰機思兄弟俱就擒八月班師出師未及三月凡畧地四千餘里

朝鮮

朝鮮自天命中通貢累世獲罪于我明毛文龍又密邇其地竊據海島招納我叛人天聰元年正月

丙子命大貝勒阿敏

義州殺我叛人天聰元年正月杜度往征之壬午克義州殺其府文龍問師至道

兵取鐵山

毛文龍所居地也文龍問師至道入海島癸未克定州執牧使金措乙酉克郭山之

漢山城

執郡守樸由健等丙戌渡嘉山江丁亥克安州殺郡守張燉副使金尚毅縣令宋圖南癸巳

趨平壤

為朝鮮王舊居巡撫總兵等官及軍民皆自潰棄城遁走是日渡大同江甲午師次中和朝

鮮王遣使

致書請退師隨以書責之令速遣使議和二月壬午至黃州甲辰至平山朝鮮王李倬攜

妻子過入

江華島其長子湮奔泉州其臣進昌君者來謁致詞引罪言城中府庫財物亂離之際俱

已蕩然願

以所產者悉索以獻不聽離之際將劉興祚入海島說徐令其遣兵入質兼議戡幣徐

曰城下之

盟春秋恥之請退兵議和興祚不允徐遂遣族弟原昌君覺并侍郎一員來平山城議和

許之遂復遣興祚及庫爾纏等往三月辛未興祚
等與朝鮮王李侖誓天地議和已酉班師至平壤
復與李覺及其侍郎約誓夏四月辛亥師還五月
遣李覺歸兩國厚賚之并賜其王李侖致書結兄弟
之母隱是年秋以義州復還朝鮮撤守兵

以上俱崇德間附

俄羅斯部落

在西北其地最遠行三年而後達京師順
治二十三年復至表文稱一千一百六十

遣還十七年復至表文稱一千一百六十
三年朝議應仍逐其使上寬貸之命
禮部諭以不遜之罪其部眾每從邊外渡
黑龍江來侵我老察地方老察距寧古塔
相近我國貂皮等物多取給於此順治間
因其來寇貂皮等物多取給於此順治間
模上憐朝鮮國小不能給大師之費遂
罷康熙八年秋復來寇廷議乘江凍時彼
不能返可襲擊之朝廷以路遠勞民而止
九年四月俄羅斯遣使奉表投誠象因
畫其來使譯文以進十五年來貢黑狐紫
貂皮哆囉呢玻璃鏡魚牙魚牙大與象牙
等其國人面白微紅高準類西洋人紅瓊
帽油靴有髮有髭

文貞公集

卷八

三

松蔭堂

暹羅

順治間入貢用真金葉鑿成表文字皆鳥跡
其貢使謂之握坤卽華言使人也握坤冠金盛
以有花紋者為尊秩從人蓬髮不冠貌黧黑通車

命僧持咒于旁理直者輒得渡肢體無恙不則以
鐵父納置坑底水刑令罪人沒深水中以罪輕重
為時久暫亦令僧咒于其上理直者亦得不死語
頗近誕又言其國中一切物用俱取給于國王每
數日國王親給衣食殊不勝其勞康熙二十九年貢
雀象龜各一象高六尺六寸重三十斤力能負
人象龜各一象高六尺六寸重三十斤力能負
請封部議遣使上以風濤險阻令察例以勅給
其使齎還禮部因議照前明封古里例付勅貢使
宴賚而遣之國王名森烈拍臘照古龍拍臘馬嘽
按會典載貢物六十件自七年來貢止三十九件
疏言國小而貨物多產于別國難與會典相符
部議合補貢

詔免之

荷蘭

即紅毛也由廈門出大洋行一月至呂宋呂宋陸路行一月至噶喇巴再出海口行一月至荷蘭順

琉球

治十三年來貢國王黑投為也甲必丹物馬綏緬表稱一千百十年文極工麗定貢期八年執其棍衣紅哆羅呢餘衣青綠着木屐前高後低

文貞公集

卷八

五

松蔭堂

中國入國子監俟其父亮始歸國受封至明洪熙時閱其往來風波驚險不測特免之賜三十六姓人教三十六島世襲通使之職習中國語言文字至今請封謝恩朝貢皆諸姓後有姓名可通土官則有名無姓也取士舉賢良方正由秀才歷法官嚴峻不徇私情即職官之父兄子弟不少寬貸道於額簪夜不閉戶鏡有古風男女婚嫁束衣髮不拾遺衣如意以金銀分差等樂有走馬舞劍刺鎗陶毬諸戲重陽節競渡龍潭金鼓震地他如石筍巖勒馬巖龍岡虎萃長虹橋漫湖松嶺俱稱名勝通使船形如梭用鐵力木凡三層濶二尺長十八丈三寸用鐵桅高十八丈裏以鐵船尾設戰臺鋪石列砲所經海道由閩安鎮歷猴嶼梅花所出海口山白洋入大洋有白水一線橫亘南北為分水洋又歷糖洋尤家埠岙港入中山王城此給諫張君等所經之道從那屬幻樓泊無定所使回

西洋

披西洋總名馭邏巴在中國極西故謂之夫西國以海而言則又謂之大西洋距中國計程九萬

文貞公集

卷八

三

松蔭堂

里自大西行六萬餘里至小西天竺國登岸晝
 夜浮海風順者半載可達又有過大浪山不得
 達小西者冬月必抵黑人國越二年始抵小西
 自西度可容千人所需五穀六畜等物俱載焉
 如之度宜五穀日用以麥為主類中國北方之
 西洋土宜磚石不施板築官殿用石板或銅板
 俗造室用磚瓦多羅俄金銀絲緞精者直逾百
 幣帛則有利諾草各有式工更堅潔既便操機
 金布則以帽履各為一視棉更堅潔既便操機
 樂器如西琴編簫為最工琴用鐵絲五十絃機
 動成響編簫大者千管中者數百小者數十撫
 法與琴器同水器利灌溉火器利戰鬪銅鐵玻
 璃等器皆工巧適用字用二十三兩鳥獸之聲
 三筆互配成文凡諸國語音及風雨鳥獸之聲
 皆前繪之於字分醫學教學法學道學為四學
 前明萬歷中西洋人利瑪竇與其徒湯若望羅
 雅谷等奉其所謂天主教者來中國所事之像
 曰耶穌即天主也手執一圓象曰天主之母名
 曰瑪利亞言天主生于漢哀帝元壽二年庚申
 荒誕不經為儒者所不道獨勾股法精密歷家
 多宗之其國治歷不一家而多祿某亞而封所

歌白泥第谷四人為尤著若望進時刻分秒起
 治二年仲秋朔日食若望先同測驗諸法俱舛而
 復方位至期命大學士公同測驗諸法俱舛而
 新法獨合于是命若望修新法修時憲歷康熙
 三年七月欽縣民楊光先控若望等邪黨惑眾
 包藏禍心禮部密奏命同吏部會審得罪革職
 廢嗣有西洋人南懷仁復尋陞監正西法光先
 職以懷仁為監正而西法復行按西法有不可
 不辨者五凡一時有八刻而合之夜子時四刻
 則為百刻西洋法為正初各四刻則十二時當
 得九十六刻因減百刻為九十六刻不知亥子二
 時為陰陽之交氣已盡子時初交子初二刻
 屬亥亦未屬子昔人以亥餘二刻及子初二刻
 別名之曰夜子時以示陰陽相交二氣接續凡
 天行之進退歲差之餘積皆從此起西洋不用
 此四刻則數無零積何以定節氣又何以有歲
 差且既不用百刻又何以造歷用夜子時不亦
 自相矛盾乎此九十六刻不亦宿以木金土日月
 火水為次雖宿度多寡不同
 而位次從無改易西洋法西方七宿以背火列
 參水之後豈東南北皆火先水後獨西方火後

文貞公集

卷八

三毛

松蔭堂

水先乎背三星鼎足極小步位極狹雖侵入參位而距星所起背自先參星雖大自在背後今以度半之背與十一度之參顛倒錯置可相侵雙足三心斜入瀾狹了然豈容臆說哉此參星不當居背先者一羅為天首計為地尾俱有氣無形然五行經行計羅獨緯轉惟月食時能辨其色象羅者火之餘色赤而淡計者土之餘色黑而紫月之食日在地下月與地心所居色黑而紫月之食日在地下月與地心所居

中地心即與日同宮之羅計日與地心所居

宮射對宮之月赤淡色者為羅蝕黑紫色者為

計蝕凡在所食之宮確有可驗况五星對行甚

遲與五星單行者不同倒置一羅不得何推論

一計將五星二十八宿之生克制化從何推論

乎此羅計不可更換為土之餘謂之餘字惟金

之餘羅為火之餘計為土之餘謂之餘字惟金

主剛主殺上天好生故金無餘合日月五星謂

之十一曜不聞名十曜也西法獨置烝不用是

三餘矣烝字羅計皆有名無象如其無象而

去之又何用字羅計而獨不用烝乎且星象有

變烝之變色白如盤孟尾巨天李之變白如長

虹尾有短有長其占皆係兵變人事吉凶與亡

之驗豈占字彗獨不占紫烝耶又占候云紫烝

一名福德箭所臨之方車駕臨幸錫福極速是

占候亦不可無烝也此木烝不用者一自

古有歷法以來各宮所占之宿有三皆以長短

接筭如女一在丑女二在子危十一在子危十

二在亥皆就天度瓜分至本宮各有占宮之正

宿如子宮以虛日為正者子屬鼠以虛日鼠為

正宿丑屬牛以丑金牛為正宿餘皆類此統天

歷以女二度九十二分九十九秒入子宮開禱歷以

女二度九十二分八十九秒入子宮授時歷以女二

度六分三十八秒入子宮雖分秒之數不限皆

以外女二度入子諸如各宮與天會月與日

大同小異總之歲差之積或曰宿天會月與日

會之常度不同故分秒少異而占宮之宿則萬

古不能易也今歷竟以牛金度入子宮是必子

屬牛而後可且必各宮俱改常度各屬俱改所

屬如丑屬虎寅屬兔而後可豈理也哉夫二十

八宿與天同運以辨昏旦萬古不移星紀析木

之宮名亦萬古不易今乃創為異說謂前代漢

唐宋以來之法舉不足信將誰欺乎此二十八

土魯番

宿必不可移者一兵部員外郎司
于漆辨甚考核姑識其梗槩如此
漢車師前王地晉屬高昌郡唐為交河縣在火

明永樂初封番僧為國師後授台愛封此地
劫掠哈密遂據其城並擾赤斤蒙古諸衛掠
甘肅嘉靖初招撫之復歸哈密其地去哈密千

五百里中經黑風川水草俱乏難以遠據而在
前明時自阿力以後皆挾密以微利墜慶後
始稍戢不朝貢者一百八十餘年我朝順治三

年來貢方物十三年復來貢自是定例五年一
貢西馬四匹蒙古馬十匹以其國有亂至康熙

十二年其王瑪黑忒賽伊忒韓遣使再貢表稱
一千八百三十四年回國云巴舊言進貢也

海晏西海晏添巴于回國土巴舊言進貢也
在哈密西北與回族近不屬於回語言類回

天方國
人而性情各別順治二年來朝貢玉石等物
回回國
諧言嗜好皆與回等畏兀兒則飲酒食肉與回

里至甘肅州五百里至肅州肅州西六十里
即嘉峪關嘉峪七百里至陽關陽關千里至玉
門關由嘉峪行約廿日至哈密西東至肅州

赤斤蒙古
周西戎戰國月支漢武帝取為酒泉燉煌二
郡晉屬高昌郡唐屬瓜州明永樂間設衛及土魯番

陷哈密侵掠赤斤其部人散走塞下衛遂虛
我朝順治四年赤斤都督永柱與畏兀都督
帖木兒卜喇等詣撫臣張尚言入貢于明遭

費牙喀部落
亂寄居肅州願効忠納貢
尚以聞是後未聞有貢
順治十六年來貢自是定例貢
物送至寧古塔宴賚而遣之

以上順治間附

傅爾都嘉利雅等處國王阿豐肅

係西國極遠之地康熙九年遣大臣嗎訥

文貞公集

卷八

天

松蔭堂

物木內稱巍巍至能

安南

國王黎氏與其臣莫氏為世仇自故明萬歷中莫氏即據高平本朝初負固不服時招納逃亡侵入內地順治十六年粵西既下莫敬耀休禍來歸賚繳印冊督撫臣以聞朝命授為安南都統使敬耀未受職卒子元清嗣仍世守高平地十七年安南國王黎維禔來歸亦未受封卒弟維禔立康熙三年遣翰林院編修吳光禮部可務朱志遠諭祭維禔五年遣翰林院侍讀學士程芳朝禮部郎中張視冊封維禔六年秋維禔復修舊邨以兵奪高平地元清竄入嶺七年春雲南奏其事廷議爭請用師討黎氏擅奪之罪上不忍遠加之兵特遣內院侍讀李仙根兵部主事楊兆傑以一品服賚一府四州元清為都統故土維禔奉詔還高平後三峯山左安子山右屬十三道五十二府二百一十九州縣

文貞公集

卷八

三

松蔭堂

傳

呂明德先生傳

前明南京兵部尚書新安呂明德先生以崇禎十四年殉寇難於洛陽清忠大節事具前史越二十一年爲皇清順治辛丑先生子兆琳與玉書同舉進士又三年家大人視學中州以洛陽爲先生授命之地檄有司建需祠春秋奉祀購先生遺書得所著孝經本義大全若干卷又越十三年兆琳以治行異等由陝西西鄉縣行取來京師以先生年譜四卷示書俾書傳先生行事以示後書不敢辭先生諱維祺字介孺別字豫石系出宋文穆公後七歲就塾師受孝經卽知謹子弟之節父仁

文貞公集

卷八

三

松蔭堂

孝公異之年十六作知非箴自微私淑邑先輩孟公化經洛陽尤公時熙自是討論伊洛之學以天下事爲己任萬歷癸丑舉進士爲兗州府推官宗室某凌轢官吏白晝攫民金按實坐罪不少鯁避每讞獄虛公平反雖黥盜不施榜掠輒得其情擢吏部主事晉員外郎會光宗崩廷臣請入見嗣君爲奄寺所阻先生謁政府抗聲曰梓宮在殯人心危疑奈何輒阻諸臣之請以滋異議偕百官謁慈慶宮門謁畢方退越日聞中宮導駕幸小南城又詣政府責以保護聖宮抑止游燕事遂寢退而疏言殿下一身爲三祖列宗之所付托百官萬民之所繫望起居宜慎飲食宜節左右不得嘻笑於側侍御不

得雜進于前閣部大臣宜不時召見商榷大禮顧問政
事親近內侍宜擇老成愿恪之人謹備使令勿預國政
疏末論移宮事與楊忠烈議同忌者銜之辛酉天啟改
元乞假省覲歸新安持祖母喪盡哀手疏孝經以謹身
勵行開示來學與馮少墟從吾李緝敬日宣會講芝泉
無虛歲屏居四載逆璫竊枋勢益熏灼里人議爲璫建
祠叱止之璫恚甚甲子冬起補考功郎不用將中以奇
禍會璫敗而止崇禎戊辰起尚寶司卿旋晉太常寺少
卿提督四彝館明年抗疏陳防微八漸指斥時政而言
謹晏游寡嗜欲摧折言官厭疑臣下尤切直疏入留中
疑禍且不測忽一日中官捧溫旨至私第曰上得公疏

文貞公集

卷八

三

松蔭堂

置御榻每一省覽徘徊殿廷咨嗟良久先生常舉此事
謂天聽如環情臣下無實心開導廣益聖聰爲可愧也
庚午陞南京吏部右侍郎總督糧儲時朝廷以外臣不
稱任使分遣中官王應朝張燹憲等監視戶工九邊兵
馬錢糧絡繹四出廷臣相顧貽愕不敢言先生疏曰皇
上初元廓清奄監焦勞治理海內稱快邇者羣下積習
未除奉行失職致使廟堂積疑生厭積厭生怒不得已
遣左右近侍以察之此皆諸臣罪也然而先幾識微之
士總總過計謂易曰履霜堅冰至又童牛之牯元吉思
漸遏萌其道宜豫且熹宗已事皇上手自釐革豈未及
三載而遽忘之閣臣延儒體仁宗達皆受特簡知遇之

恩曾未聞片辭爭執臣不得不以彌違陳力之義督過諸臣矣疏入南北部寺相繼執奏竟得罷遣先是南庾歲入二十三萬額支至四十餘萬出浮于入者十九萬有奇北部借支南糧又積至二百六十餘萬以故本折均紕京運虧餉動以歲計先生鉤考逋賦建議酌留各項稅銀及新餉十餘萬填補缺額而用鼓鑄餘息轉抵北部越兩載層有餘儲超拜南京兵部尚書叅贊機務南樞經費不貲釐侵欺汰冗冒兼請鑄局踵行已試之效而軍食不匱先生之論錢法也謂園府爲國息之本衡輕重之等權子母之利其流如泉舍是而言生財則培歛而已其法官錢重一錢爲率自九分以下官令改

文貞公集

卷八

三

松蔭堂

鑄禁民間不得私收則奸人竊利者自止兩廠需費七萬二千遞減至二萬餘僅三之一耳而歲終獲息一萬六千五百兩有奇視舊息增至十倍先生所謂行之十年不獨南庾物積卽北部亦可代支者確然其有明驗矣又曾議行鈔法以吳綾爲質織龍文方廣如舊制與金銀錯用鈔居十之二議極明悉未果行當是時軍興煩棘民困轉輸無藝之征等于竭澤而先生持籌經畫惟用鼓鑄爲紓國之長策以恤民則請罷加賦矣以恤商則請罷蕪稅矣夫豈不知尺寸之利可以佐軍儲贍國用而倦倦以寬物力固根本爲言此先生謀國之忠鑿然原本經術而不肯出于一切補苴之計者也乃朝

議卒以此側目百計傾軋乙亥寇陷鳳陽先生合諸道
軍轉戰逆擊賊西遁六百里而忘者竟議調遣逾期用
大計落職比先生歸而時事潰壞益不可爲矣戊寅己
卯之交賊勢蔓延膠結出沒河洛間以數十萬計總理
熊文燦力不能支輒主撫議先生目擊憂憤移書力爭
洛西數百里不至遘房穀之禍者先生之功也辛巳賊
薄洛陽先生免仁孝公喪適居洛陽登陴誓衆括家財
以饗軍比圍益急猶麾所募健勇縋出城西北隅格殺
數十人而叛將王紹禹乘夜援賊陷城遂被執道遇福
藩先生從容言曰名義至重萬不可屈節爲宗社辱及
見賊罵不絕口竟遇害方先生自留樞謝政歸賊從潼

文貞公集

卷八

三

松蔭堂

關敗遁逆焰未甚熾也使先生不去或更假節鉞以辦
賊賊能遽收殘卒豨突東下爲中原患耶夫天禍人國
讒人高張先生之才未嘗不見用用未嘗不結主知呼
號吽泗冀吾謀之一用而百口之謠誣已隨其後先生
雖不去庸有濟乎至于峩冠就刃持孤忠以入地而老
臣之盡躬盡瘁以報國家者無遺力矣嗚呼先生死生
之際世變係焉豈偶然之故哉先生著書數十卷闕里
議銓部太常南庾南樞奏議考功記清燕記慎獨堂文
集存古篇最後出者爲孝經本義大全或問凡三十三

卷兆琳爲書言曰先大夫留精孝經者二十餘年訂諸

家聚訟之訛字疏句析篤志力行所至設講會芝泉伊

洛豐芑豫簪先後從學不下數百人所以倡導其門人子弟者率以孝爲根本生平立身服官日用造次不離乎是嘗謂新建之學言良知而不求致良知故久而滋弊以孝爲本而以臨深履薄慎獨戒懼爲學推極于天明地察通神明光四海舉而措之裕如也嗚呼先生學有原本如此書淺識薄殖烏足以知之敬紀兆琳之言詮次行事之大者以爲先生傳贊曰昔蘇軾論賈誼惜其志大而量小謂宜深交絳灌使天子不疑大臣不忌然後得行其志余嘗讀其說而疑之士君子大節不立而使當世脂韋曲學之士得以借口謂能自用其才可爲篤論乎且軾當熙寧紹聖間所自處者何如而欲以

文貞公集

卷八

三

松蔭堂

深交絳灌責誼甚矣其言之過也及讀明德先生所謂賈董論謂大臣以道事君不可則止亦以軾言爲未當觀先生之論而三十年立朝梗概亦略可覩矣嗚乎自高顧楊左諸君子之後先生頎然爲正人魁宿幸不罹于璫禍而得以其讜言危行撐柱國是乃卒不幸而以節義見人之云亡邦國殄瘁百世而下聞之猶爲三太息也

何崇源舅翁像贊

崇源舅翁爲十二外祖玉涵公之冢嗣弱冠爲邑諸生有聲庠序玉書幼習舉子業實與舅翁先後及君勅卞先生之門舅翁每出一藝同學皆傳寫奉爲模楷屢試有司不得志遂去究心先世岐黃之學方明洪宣間有彥澄公以醫顯于朝三楊先生皆折節敬禮嗣是代有聞人至明末仁源繼充兩公名益重仁源卽舅翁之大父而繼充其世父也舅翁盡發累世之藏書精研于陰陽表裏虛實補瀉之法于是醫學大進所至輒有奇效四方延請者歲無虛日而舅翁又謂藥物所以療病非文貞公集

卷八

五

松蔭堂

所以養生日取參同契悟真篇諸書詳證其奧義復手訂冲虛子金丹直論往往有心悟獨得之解爲前人所未發平居靜穆澹適喜愠不形每言境過輒忘胸中不留一物蓋天資近道如此至于一門以內怡怡然墮篋翁和琴瑟調叶子若孫舒雁行列有詩禮之容而無浮囂凌競之氣觀圖中所載亦可略覩有道之梗概矣敬拜手濡筆而爲贊曰有軒有几有圖有書有泉一泓有樹一株巾舄嫺雅道氣充腴以觴以饗閨門秩如託興于林莽棲心于元虛窺翁之跡者以爲工越人之術識翁之微者直比肩于列仙之儒

太子太師平逆將軍議政大臣都統謚恪僖畢
公像讚

天篤佐命英畧奮庸三朝戮力萬里折衝初定平壤繼
克松杏公隨王師應手鋤梗入關蕩寇出塞招徠靡遠
不服靡堅不摧肅將天威迅掃滇海逼緬阿竭折首秦
凱歸然宿望命領禁軍屬討秦逆無踰老臣逆亂旣平
振旅還闕抗章乞閒有功不伐四十七年聲施爛然遺
鏃在骨忠勇悉全

帝旌乃勞哀榮禮備名勒豐碑澤延奕嗣我瞻遺像標
格嶙嶙鷹揚虎視威容如神猗歟偉人爲國楨幹炳矣
丹青光煢雲漢

文貞公集

卷八

三

松蔭堂

太子太師平逆將軍議政大臣都統謚恪僖畢
公像讚
天篤佐命英畧奮庸三朝戮力萬里折衝初定平壤繼
克松杏公隨王師應手鋤梗入關蕩寇出塞招徠靡遠
不服靡堅不摧肅將天威迅掃滇海逼緬阿竭折首秦
凱歸然宿望命領禁軍屬討秦逆無踰老臣逆亂旣平
振旅還闕抗章乞閒有功不伐四十七年聲施爛然遺
鏃在骨忠勇悉全
帝旌乃勞哀榮禮備名勒豐碑澤延奕嗣我瞻遺像標
格嶙嶙鷹揚虎視威容如神猗歟偉人爲國楨幹炳矣
丹青光煢雲漢
文貞公集
卷八
三
松蔭堂

策問

丙午科浙江鄉試策問五道

問帝王一代肇興必有一代之治法而治隆法備每待之繼體守成之主忠厚立國周之治也成康繼其法而光大之馴致刑措稱極盛焉漢文景恪循恭儉唐貞觀力行仁義史褒其治謂庶幾王道之遺其他或純任綜核或政尚紛更雖規模粗具而良法美意亦寢衰矣我皇上恭已勵精遠承

太祖

太宗億萬祀之鴻基近紹

世祖十八年之駿業五載以內綱舉目張政教翔洽海宇衽席遐裔貢珍治績之盛軼漢唐而踵成周則自今

文貞公集

卷八

三

松蔭堂

以始皆與民休息時矣滌煩祛弊而躋一世于仁壽寧無其道與夫寬猛緩急之際治術所由辨也水弱火烈偏用之則二者均弊豈非寬與猛必宜互濟與抑聞之治不得其道則法令煩多而奸不止得其道雖禁網疎濶而百職就理蘇軾亦云不擾獄市不害爲摘姦然則致治本原固不視乎寬猛緩急而在立法之當否歟董生之喻政曰琴瑟不調必解而更張之乃若更張之而不調復將安恃倘亦圖治當慮始不宜數變以滋擾與茲欲準今時酌成憲權衡于畫一之規經緯以寬大之意俾垂永久偕民寡過何道而可

問儒者之學盡人以達天不根極于性命則其學徒枝葉而已源流分合之際可勿講與孔子之繫易曰繼善子思之作中庸曰未發未發之中與繼善有二旨歟存心之說子輿氏首發之而操存舍亡孔子則嘗言之矣心固能統乎性者與性譬則穀也心其萌芽之發端者與嗣後濂洛關閩益闡其說而理與氣之辨甚密正蒙太和篇曰由太虛有天之名是以太虛爲一氣之聚散矣夫萬物之氣散則歸太虛所謂水凝爲冰冰釋仍爲水也而謂太虛無理以主之與程子曰以形體謂之天以主宰謂之帝以性情謂之乾夫于太虛之中求所謂主宰性情宜孰從而指之正蒙又謂合虛與氣有性之

文貞公集

卷八

天

松蔭堂

名合性與知覺有心之名皇極經世書曰心爲太極又曰道爲太極然則人之氣與天之氣固同出于太虛而其理則同歸于太極者與學者舍盡性何以達天舍存心何以盡性心之存亡出入至逸而不可制制心之功其要安在濂溪之學曰立誠二程之學曰居敬橫渠之學曰無忝匪懈紫陽之學曰格物致知其功雖異其理固一致歟諸士務窮其源流以對

問禮與刑相輔而行者也周禮大司徒以五禮防民之僞而教之中書曰刑期于無刑民協于中故因天秩而制五禮卽因天討而作五刑明示以出禮卽入刑也夫禮曰教中刑曰協中禮與刑固有同原者歟子產鑄刑

書而叔向非之謂先王議事以制不爲刑辟劉廙著先刑後禮論而陸遜斥之謂禮之長于刑久矣倘與孔子有恥無恥之論有合與禮者所以辨上下而定民志也刑者一成而不可變者也乃說者曰刑則一日不可弛禮必百年而後興一日之內固不可無刑也而百年以前遂可以無禮與夫安上治民莫善于禮一日無禮則傲慢凌僭之端生焉迨至風俗日漓民情滋僞蕩聞踰檢犯上亡等然後大刑大獄起而治之盍若治于未然者之爲逸與古今殊趨時勢各別三代已有質文之異尚賞罰先後之不同宜何所適從與我國家制作度越前代儀文服物秩然有等而又更定律例勒爲一代之

文貞公集

卷八

五

松蔭堂

令俾貴賤尊卑循守罔斁誠以禮教先天下而兢兢慮其入于刑也其間所爲輕重損益納民于中道者有可得而指與尚詳陳弼教之義焉

問史書助國家賞罰一日之是非定則千古法戒昭焉事不綦重歟

皇上頃以明史尚缺

命禮臣搜遺編詞臣開史館校譯實錄刻日告竣或編年或紀傳將蔚然觀一代成書矣獨是二百七十年之事有當時未暇定論今日實待折衷者欲成信史可勿預講與試舉其大端與諸士質之金川之役釁起削國而稱兵易位必謂事當微辭與監國之際誤在易儲而

奪門復辟必謂功宜上賞典與獻之禮異於濮議是也
乃別廟稱帝盈廷聚訟何說與國本之爭力阻並封是
也乃語侵官禁附會成疑何說與三案迭興羅織滋蔓
東林黨議水火紛淆所謂小人者信權姦所謂君子者
信忠盡與若乃綜其治亂之故當初盛則重綱紀及中
衰則尚議論迨未造則紀綱議論兩弊而均失之何前
後賢理與二正之多故何以宜亡而不亡神熹之廢弛
倒置何以宜覆而不覆晚季正氣衰靡或追論靖難摧
殘之過甚然與否與夫洪永創業貽謀宣孝守成紹烈
其所由致治之原亦可得而標指與諸士仰體勿顧忌
諱之

文貞公集

卷八

早

松蔭堂

論條晰敷陳義欲歸正論欲持平將上之史館焉

問從來招攜懷遠梯航來歸至治之效也然投戈旣衆
則綏輯維艱考之于漢閩越初開嘗盡遷其民於江淮
之間而虛其地豈昔之東南土滿今之東南人滿與往
亦有弄兵潢池化刃劍爲牛犢者以一郡守治之而帖
如豈一隅與四應撫綏固各有術與今我

皇上聲教誕敷無遠不服吳越閩廣開風向化不啻數
十萬計其爲首庸者固已予之爵祿悉從優敘矣彼率
從之衆將欲聚而兵之汰老弱簡精銳藉爲海徼之長
城似也然各省綠旗方將覈其冗耗增兵益餉其議可
行于今日與卽欲解青雜伍散而農之而授廩分畝固

可行於沿海諸郡與有謂中原川陝尚多曠土以此如
林之旅倣古屯田之制使之比廬而耕既可墾荒復堪
衛國是歟否歟或詳稽原籍畢令歸農俾海濱效順者
盡爲版圖之赤子歟爾多士吁衡時事何道而能使聚
不病國散不病民既足安新附之心復不滋土著之擾
其必有成算于中矣詳著于篇以爲柔遠之石畫

文貞公集

卷八

聖

松蔭堂



其必亦與莫干中矣特善平蘇以爲柔遠之石畫
不隸國籍不隸其地且邊民畏懼之心豈不滋土著之
盡餘建圖之赤子煥爾多士吁衡時事何道而能使聚
不病國散不病民既足安新附之心復不滋土著之
林之荒也古屯田之制使之比廬而耕既可墾荒復堪
行計成事緒精練與

辛未科會試策問五道

問國家承平日久則忠厚淳龐之氣積于人心而形于風俗倡率于士大夫而下被于草野猗歟盛世休明之象也我

皇上宵旰勵精茂臻至治大小諸司助流德化者罔敢不凜凜奉厥職矣顧人臣服官之道其大者在法廉交儆察察協恭漢儒有言皇皇求財利常恐匱乏者庶人之意也皇皇求仁義常恐不能化民者大夫之意也又曰衆臣和於朝則萬物和于野豈非人臣宜勵素絲正直之節而奉公上者尤務以協恭爲百職倡與夫異同化然後持議不偏恩怨亡然後秉心無競誠欲通于野

文貞公集

卷八

聖

松蔭堂

之志渙有邱之羣洎同異之形泯恩怨之迹自非精白一心公忠體國庸克濟與方今大澤汪濊協氣旁流蓋成周太和洋溢時也

聖明在上殷殷以寬大和平嘉與臣下其何以仰承德意偕適于無偏無黨之路與抑正學問端行術謹行誼尤靖獻之本也多士將釋褐爲國家用矣所以立身立朝者其預籌之

問我

皇上崇正學敦實行所以風勸天下甚至士生斯時幸矣不患無秀異之才應運興起然或陵躡高遠汨沒于浮華靡蕩之中顧以倫物日用爲庸近則于崇學敦行

之意奚有當焉古之學者其始重小學之教習六甲五方書計之事室家長幼之節自孝弟禮讓之始基達于致遠通方之寔用習俗美而材賢衆焉行能茂而政理隆焉遐哉盛已粵稽其制上老庶老教之學里胥隣長教之耕右塾左塾別其地在塾在邑異其候其詳可悉指與班固曰八歲入小學十五入大學尚書大傳曰十五入小學十八入大學其說互異何與紫陽采輯羣言爲小學一書垂訓于世此其義豈有異于古之爲教者與程子謂洒掃應對是形而上者朱子又謂今人旣無小人之功當以敬爲本是小學之重本末兼該精粗一致不可易也

文貞公集

卷八

三

松蔭堂

皇上於經史百家罔弗綜貫而又取朱子此編時勤乙覽多上其以素所服習者精言其義將觀所學而獻於朝焉

問宋儒之學至今日而表章稱極盛矣

皇上躬天亶之至德綜道術之源流以周程張邵朱子

有功性學

御書學達性天頌額褒美用俾海內之士咸曉然于嚮

學入德之門意至切也顧諸儒之書標指同異約有數

端試畧舉其義以相質可乎周子太極圖說廣大精密

性學之源也程子親受其圖而卒不以示人其故何歟

氣質之性自程子言之或以爲本於太極圖說然與否

與邵子先天圖爲功于易至矣其皇極經世亦先天之學也程子謂數學至康節始及于理而究不學康節之數及作易傳又不採其說何與易傳言理不言數朱子所深服膺及朱子作本義又主卜筮而不盡從易傳豈其理有殊致歟橫渠西銘明理一而分殊程門以之開示學者而於正蒙則謂其言有過正蒙西銘純疵之別安在所言太和太虛亦與太極之旨有合焉否歟周程張邵紹絕學之緒朱子集諸儒之成諸士其折衷于朱子之說而考其同異求其要歸以著於篇

文貞公集

卷八

器

松蔭堂

地陰陽之氣定十有二辰卽十有二辰生十有二律所謂隔八相生三分損益其理與數可悉指與十二律始于黃鐘五聲始於宮八音始于土皆所以求中聲也而聲之清濁高下操何術以辨之後人欲定黃鐘之管而莫適爲主或求之累黍或証之古尺或參之金石聚訟紛如宜何所折衷與凡律空圍九分至蔡邕始有徑三分之說孟康諸儒主之胡瑗疑其管狹復爲九方分之說蔡元定律呂新書主之而胡蔡之書所言圍徑之數細求之又不能無差或參用截管迭吹之意以密率定其法而以累黍驗其寔庶幾辨律爲有據與夫黃鐘定而後中聲正中聲正而後律呂叶我

皇上中和建極神人允諧攷鏡源流至精且晰諸士服習今古亦嘗研究其端委乎盍一一指陳以備採擇問教養爲經世大務古者大司徒頒十有二職施十有二教于民其時家有蓋藏人鮮竄行豈盡其俗之醇與無亦奉行德意者之克殫乃職也我

皇上子育元元數年之中賜租減賦累數千萬水旱蠲貸猶不與焉比又厯念民間曠費罔知生計

特頒誠諭命講儲蓄之法酌樽節之宜所以爲民謀者恩澤至厚今井里編氓已皆仰喻

上指力農桑待困積可馴致家給人足之盛與夫幽風七月與噫嘻臣工諸詩相爲表裏爾詩述養老慈幼燕

文貞公集

卷八

聖

松蔭堂

饗之事至纖且悉而爾頌多責成于臣工則勸耕積粟使閭閻不至憂匱乏者非良有司責與瘠土思勞沃土思逸民之情也靡侈之無節蕩佚之無紀以至爭訟迭興非僻時作觸法抵禁往往而有

皇上如天覆物憫其愚而矜全之者歲不絕書爲長吏者誠敬體好生之仁竭誠而化導之何患民氣之不靜而俗之不底於醇也爾多士異日皆爲國家教養斯民者也尚據所蘊獻之當宁焉

巳酉科順天武鄉試策問二道

問將才難將德尤難故司馬法以仁愛爲制國治軍之本方今海宇寧謐萑苻不驚此師武臣衅甲時矣其各要害地專閫駐防以爲民衛也乃重鎮暮布刁斗嚴明至不敢呵一悍卒則兵不且爲民困與夫兵囂而不戢是謂無威聽其厲民而不制是謂無法母乃非國家命將設防之至意與古名將多讀書曉大義故人爭愛其德羊叔子杜元凱其流也意偏裨以才勝大將以仁勝制敵以才勝坐鎮以仁勝與抑文經武緯才德兼備斯兵民胥利而不病與其悉籌之

文貞公集

卷八

吳

松蔭堂

問人才宜及鋒而用文與武無二道也武臣封疆攸寄尤資技勇英銳以備折衝我朝自設武科來取士稱極盛矣獨是聽選需次淹抑多年精力就衰始授一職國家奚賴焉議者謂樞臣典選應核年力嚴甄汰是亦疏通之一法與科目而外其途太濫流品雜而營競生或尚有可澄別者歟在外鎮將以下庸耄曠職豈曰無人前者

車駕所至曾親加罷斥矣或應責提鎮臣不時劾奏以清賢路與古有由部曲拔爲上將者所以待奇技異勇也或別置一格以示獎勵可歟旣疏積壅之弊復收軼羣之才多士盍借箸焉

